

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), Odluke Vlade Federacije Bosne i Hercegovine o usvajanju Programa utroška sredstava sa kriterijima raspodjele sredstava „Tekući transferi pojedincima – Transfer za raseljena lica i povratnike“ utvrđenih Budžetom Federacije Bosne i Hercegovine za 2026. godinu Federalnom ministarstvu raseljenih osoba i izbjeglica, V. broj: 294/2026 od 06.03.2026. godine („Službene novine Federacije BiH“, broj: 19/26) i Plana povratka, obnove, gradnje i razvoja održivog povratka za 2026. godinu, federalni ministar raseljenih osoba i izbjeglica, **raspisuje**

JAVNI POZIV
za dodjelu novčanih sredstava porodiljama povratnicama na područje
bosanskohercegovačkog entiteta Republika Srpska za 2026. godinu

I

Objavljuje se Javni poziv za dodjelu novčanih sredstava porodiljama povratnicama u bosanskohercegovački entitet Republika Srpska (RS) sa ciljem poboljšanja pronatalitetne politike.

II

Pravo prijave na ovaj Javni poziv imaju porodilje povratnice iz kategorije *manjinskog povratka* na područje bosanskohercegovačkog entiteta RS u skladu sa Aneksom VII, član 1. tačka 3. stav d) Općeg okvirnog sporazuma za mir u Bosni i Hercegovini, a prema posljednjem popisu stanovništva u Bosni i Hercegovini, i to:

1. Da su članice povratničkih domaćinstava na području entiteta RS;
2. Da imaju prijavljeno prebivalište u opštinama povratka na području entiteta RS;
3. Da su rodile djecu u periodu od 01.07.2025. do 30.06.2026. godine.

III

Visina sredstava za pojedinačne porodilje će iznositi do 1.000,00 KM.

Ukupan iznos finansijskih sredstava za realizaciju ovog Javnog poziva iznosi do 350.000,00 KM.

Isplata novčanih sredstava će se izvršiti na transakcijski/tekući račun porodilja.

IV

Prijava na Javni poziv treba **obavezno** da sadrži sljedeće dokumente:

1. Čitko popunjenu i potpisanu prijavu porodilje na Javni poziv, na obrascu koji je dostupan na internet stranici Ministarstva www.fmroi.gov.ba ili se može preuzeti lično u prostorijama Ministarstva na adresi Hamdije Čemerlića br. 2, 71000 Sarajevo;
2. Originalno uvjerenje porodilje o prebivalištu (CIPS) ne starije od 3 mjeseca ili kopija lične karte (ovjerenjena);

3. Uvjerenje nadležnog organa o ostvarenom povratku porodilje (Uvjerenje o povratku) - (original ili ovjerena kopija);
4. Rodni list novorođenog djeteta/djece rođenih u naznačenom periodu - (original ili ovjerena kopija);
5. Ugovor sa bankom o otvaranju transakcionog/tekućeg računa porodilje ili potvrda o otvorenom računu - (original ili ovjerena kopija).

Pored dostavljene pismene prijave i tražene dokumentacije aplikantice su **OBAVEZNE popuniti i elektronski obrazac prijave putem ovog [linka](#).**

V

Podnošenjem prijave na ovaj javni poziv, podnosilac daje saglasnost Federalnom ministarstvu raseljenih osoba i izbjeglica za obradu svojih ličnih podataka, u skladu sa Zakonom o zaštiti ličnih podataka. Lični podaci se obrađuju isključivo radi provjere ispunjenosti uslova javnog poziva, izrade odluke o dodjeli novčanih sredstava, realizacije dodjele pomoći, vođenja evidencije korisnika i izvršenja plaćanja. Podaci se mogu dostaviti trećim stranama samo u okviru zakonskih obaveza. Radi transparentnosti postupka i ostvarivanja prava na žalbu/prigovor po javnom pozivu, minimalno neophodni lični podaci korisnika bit će objavljeni na službenoj internet stranici Ministarstva. Podnosilac ima pravo da zatraži pristup, ispravku, brisanje ili ograničenje obrade svojih podataka, u skladu sa zakonom.

VI

Prijave sa svim traženim dokumentima dostaviti lično ili putem preporučene pošte na adresu:

Federalno ministarstvo raseljenih osoba i izbjeglica

UI. Hamdije Čemerlića br. 2.

71000 Sarajevo

sa naznakom

“Prijava na Javni poziv za dodjelu novčanih sredstava porodiljama povratnicama na području entiteta RS za 2026. godinu”

(Na poleđini koverta navesti ime i prezime podnosioca i tačnu adresu)

Rok za dostavljanje prijava na Javni poziv je 30.06.2026. godine

Nepotpune i neblagovremene prijave neće se uzimati u razmatranje.

Federalno ministarstvo nema obavezu vraćati predatu dokumentaciju aplikantima osim na njihov pisani zahtjev.

Broj: 06-32-5-1115-1/26

Sarajevo, 02.06.2026. godine

MINISTAR

Nerin Dizdar